Bájkkeavijssa NuorttaSállto



Kirsti Suongir, álgos Karlsøyas Hábmerin, le årrum sáme bájken Dænon Finnmárkon 25 jage. Sån årru tjielgga sáme birrusin, le sámijn válldum, sujna li sámegielak láhtjama ja gålmmå máná gudi divna li adnám sámegielav vuostasjgiellan skåvlån. Moaddi le Suongirij gássjelis læhkám gå le vierttim vásedit gåktu le ålgoduvvat gå ij oajvvegielav máhte. Dá vahko le sån moadda lågådallamijt adnám Divtasvuonan ja Hábmerin gåktu gávnnat sáme máttoit ja identitehtav ja suv persåvnålasj rahtjamusá birra vaj suv máná ettjin galga dåbddåt sæmmi "jallan" dagu sån le dåbddåm moatten dilen.

- Muhttijn lij riek vájvve

- Ij le læhkám gássjelisvuodaj dagi liehket ájnna fámilljan gudi ij sámásta. Gå áhkko ja áddjá ja ietjá berraha li læhkám guossen, de li guládallam sámegiellaj. Dálla moadda jage mannela de vuojnáv moadda ássje li lagámus fámmiljan dáhpáduvvam majt iv la åvvånis dádjadam
- Åhpa juokkirik láhkáj

- Åhpa juokkirik láhkáj rijbadimstrategiav; budáldit ietjat láhkáj – munji sjattaj hiervvim, ja oahppiv nivkkalit ja måjådit gå dåbdduj luondulasj. Vargga automáhtalattjat bieljijt dahppiv gå sámegielav gulliv. Lij ham giella mij juokkirik láhkáj ittjij muv guoska, subtsas Kirsti dajs moadda jagijs Finnmárkon. Boaddnjijn guhti lij vahkkomaneldiddje moadda jage, de lij suv åvdåsvásstádus gåtsedam guládallamav mánájgárdijn ja skåvlåjn. Muhttijn lij sån ájnna æjgádijs guhti ittjij sámegielav máhte.

- Ålu lij ållu vájvve. Lidjiv tjåhkanimijn gånnå juohkkahasj sámástij, juska diehtin ittjiv dádjada. Navti máhttiv hálvva iessen sjaddat, gå sáhkadahttjájiv ássjij man birra juo lidjin sáhkadam. Manenagi rávkkiv dålkåv tjåhkanimijn ja rávkkiv aj gájkka tjállaga skåvlås galggin goappátjij giellaj tjáleduvvat, ja oadtjuv dav tjadádum, subtsas Suongir, guhti mannela válljiduváj æjgátoajvven Sámeskåvlån guokta jage. Sån le riek bællásasj galggá sámástuvvat æjgáttjåhkanimijn sáme mánájgárdijn ja skåvlåjn.

- Ij guossak galga liehket guoktáladdam makkir giella galggá vuoroduvvat skåvlån. Valla viertti liehket dålkkå tjåhkanimijn ja diedo skåvlås viertti boahtet goappátjij giellaj. Ja vuojnnet buoragit manná gå li dåssju akta jali guokta dárogielaga tjåhkanimijn. Jus ienebuv båhti, de muv åtsådallamijs dárustattjáji. Moaddi dárogiella tjåhkanimgiellan le sjaddam, subtsas sån.

letjas sáme identitehtta

- Gå mån bajássjaddiv, ædnámijn lidjin skuova ma siejnen gahtsahin gangan

sijdan Karlsøyan. Dájt sån vaselijnajn vuojdaj juohkka javla. Mij máná jáhkijma da lidjin tyskaskuova, gå ællim dábálasj skuovaj muoduga. Valla da lidjin gábmaga ma lidjin æddnáj goarodum gå sån lij mánná. Gå gatjádiv áddjás dáj birra, de ittjij sidá vásstedit, subtsas Kirsti. Áhkkos jámij gå Kirsti iesj lij 23 jage vuoras. Ja ittjij guossak gætjájdalá sån lij sáme berrahijs...

Gå rahtjamus sáme oahppoplána birra lij værámusán, de Kirsti Suongir guládaláj Johan Albert Kalstadajn. Sån máhtij subtsastit suv sáme máttoj ja identitehta birra, ja riektá birra sáme jienastuslåhkuj tjáleduvvat. – Dat dåbddo lij riek buorre. Dán mannela dádjadattjájiv ienebuv ja ienebuv. Munji li ædnám gábmaga gætjájda majt midjij vattij, vaj galgajma gávnnat ruoptus ietjam identitehtav. De åhtsiv adnet dav dålusj sáme manepnamáv (Suongir) mij Svierigis tjuovoj. Dav oadtjuv, ja sæmmi manepnamma adnegadij nuoramus oabbam. Ja ihkap nágin dajs iehtjádijs aj målssu, måjut Kirsti Suongir, guhti álgos lij akta 6 oarbbenijs. Ajnna viellja hekkav massij gávkas bijllasuorman jagen

Viertti sámegiela åvdås rahtjat

Kirsti Suongir le julevsáme gápptev åttjudam, ja le moadda kursajt tjadádam sámegielav åhpatjit.
- Ja vijmak suojmma boahtá,

måjudallá Kirsti.

- Miján li gålmmå máná. Ähttjes le sámástam mánájda bajássjaddamin ja mån lev dárustam. Mij lip guovtegielak fámillja, midjij le vaddám buorre åtsådallama sáme sijdan årrot. Dájna sávvap máná galggi oahppat láttij sebrudagán rijbadit, ja navti sjaddat ienep diedulattja mij guosská sámegiellaj ja –kultuvrraj.

- Riek vuorbálattja lip læhkám gielalattiat, gå mijá máná li dåjmalattjat guovte-gielaga nav gåk nav tjábbát javladuvvá. Ælla nav moattes gudi bessi sámegielav vuostasjgiellan låhkåt vuodoskåvlåjn Vuonan. «Gássjelisvuoda» ma mujna dárogielak ieddnen li ja li læhkám sáme skåvlån ij njuolgga máhte buohtastahteduvvat daj hásstalusáj ma li sámegielak æjgádijn ietjá sajijn Vuonan, sierraláhkáj daj sajijn gånnå rahtji vaj avvanis galggi sámegielåhpadusáv mánájdisá oadtjot. Vierttip aktan rahtjat vaj divna sáme máná galggi máhttelisvuodav oadtjot åhpadusáv sámegielan ja sámegiellaj skåvlån. Riek ájnas le da gudi åhpaduvvi sámegielan vuostasjgiellan buoragit várajváldeduvvi, ietjas árvoj, hæjttá Kirsti Suongir.